

BASES DA CONVOCATORIA DE SUBVENCIÓN PARA FESTAS PATRONAIS DO CONCELLO DE SANTIAGO DE COMPOSTELA 2022

Esta convocatoria ten por obxecto regular a concesión de subvencións para festas patronais do Concello de Santiago de Compostela de acordo coa *Lei 38/2003, de 17 de novembro, xeral de subvencións* e do *Real Decreto 887/2006, de 21 de xullo, polo que se aproba o regulamento da lei xeral de subvencións*.

1.- Obxecto e finalidade:

O obxectivo desta convocatoria é colaborar co movemento asociativo e veciñal no fomento da participación en eventos festivos.

Serán obxecto de subvencións os gastos realizados nas seguintes instalacións e actividades: parques de inchables, xogos populares, grupos e bandas de música, grupos de baile, corais, circuío de karts, charangas e festa da escuma.

2.- Beneficiarios:

A convocatoria vai dirixida a todas as asociacións de veciños legalmente constituídas no municipio ou no seu defecto ás comisións de festas e en defecto destas tamén poderá acollerse a esta convocatoria calquera outra entidade constituída xuridicamente no concello de Santiago.

As axudas outorgaranse mediante o procedemento de concesión en réxime de avaliación individualizada establecéndose como **único elemento de prelación** entre as solicitudes, o temporal; isto é, **a data de presentación da solicitude**.

3.- Contías:

A contía total que se destina a esta finalidade é de 38.750,00 euros, con cargo á aplicación orzamentaria 2022 060 33800 4890100.

A concesión da subvención estará limitada á existencia de dispoñibilidade orzamentaria.

4.- Actividades subvencionables:

Serán obxecto de subvención os gastos realizados en instalación de infraestruturas e actividades de festas patronais das parroquias e barrios do Concello de Santiago de Compostela que teñan lugar entre o 1 de xaneiro e o 13 de outubro de 2022. As instalacións e actividades subvencionables nesta convocatoria son:

- Xogos populares
- Grupo de música

- Grupo de baile
- Coral
- Banda de música
- Parque de xogos inchables
- Karts a pedais
- Charanga
- Festa da espuma

5.- Importe subvencionable

O importe máximo subvencionable para cada solicitante e para cada festa é de 1.250,00 €. Cada entidade poderá optar a **unha única axuda por ano**.

6.- Solicitantes. Requisitos.

Poderán acollerse a esta convocatoria todas as asociacións veciñais legalmente constituídas no municipio ou no seu defecto as comisión de festas e en defecto destas tamén poderá acollerse a esta convocatoria calquera outra entidade constituída xuridicamente no municipio que cumpran os seguintes requisitos:

1. Ter personalidade xurídica e capacidade de obrar.
2. Figurar inscritas no Rexistro Municipal de Asociacións do Concello de Santiago, con anterioridade á publicación desta convocatoria, e ter actualizados os seus datos no citado Rexistro, consonte co que dispón o artigo 17 do *Regulamento de Participación Cidadá*.
3. Estar ao corrente das súas obrigas fiscais coa Axencia Estatal da Administración Tributaria, a Tesourería da Seguridade Social, a Xunta de Galicia e co Concello de Santiago de Compostela.
4. Non estar incursas en ningunha das prohibicións para obter a condición de beneficiaria das subvencións previstas no artigo 10 da *Lei 9/2007, do 13 de xuño, de subvencións de Galicia*.
5. Ter xustificada en prazo calquera outra subvención outorgada polo Concello de Santiago.

7.- Documentación da solicitude

A documentación que conformará a solicitude é a seguinte:

1. Formulario normalizado **CS006D** dispoñible como anexo das bases que conterá: Datos da entidade e da festa, declaración xurada de ausencia de débedas e acordo de solicitude e designación de representante.

2. CIF da entidade
3. NIF do/a representante
4. Certificado de conta bancaria

8.- Obrigas dos beneficiarios.

Os beneficiarios da subvención estarán obrigados ao cumprimento das disposicións que sinala o artigo 11 da *Lei 9/2007, do 13 de xuño, de subvencións de Galicia* e as que, especificamente se relacionan a seguir

- a) Cumprir co obxectivo das actividades obxecto da subvención.
- b) Xustificar o cumprimento da finalidade da actividade obxecto da concesión da subvención.
- c) Someterse ás actuacións de comprobación e control dos órganos competentes e achegar a información que se lle requira.
- d) Comunicarlle ao Concello a solicitude e obtención de outras subvencións, axudas, ingresos ou recursos que financien as actividades subvencionadas. Esta comunicación deberá efectuarse cando se realice a solicitude ou se coñeza a concesión e, en todo caso, con anterioridade á xustificación da subvención que se conceda.
- e) Facer constar en toda a publicidade e difusión do programa subvencionado a colaboración do Concello de Santiago de Compostela, incluíndo a marca gráfica (logotipo) do concello na forma que este estableza. Isto será de aplicación para calquera material: folletos, carteis, web da entidade, etc. O departamento de Festas facilitará as instrucións precisas para a correcta aplicación da imaxe do Concello de Santiago.
- f) Comunicarlle á concellaría de Festas as datas e lugares definitivos das actividades.

Destas obrigas responderán as asociacións solicitantes a través dos seus representantes legais, que serán os que asinen a solicitude. Se houber cambios na citada representación, deberán ser comunicados ao departamento correspondente. Os novos representantes subrogaranse nas obrigas indicadas nesta convocatoria.

9.- Prazo e presentación de solicitudes:

O prazo de presentación de solicitudes será de 1 mes que comezará a contar ao día seguinte ao da publicación do anuncio de convocatoria no BOP de A Coruña.

As entidades interesadas que cumpran os requisitos que determinan estas bases deberán presentar unha única solicitude a través da sede electrónica do Concello de Santiago de Compostela (<https://sede.santiagodecompostela.gal>) ou por calquera das formas previstas no artigo 16.4 da Lei 39/2015, do 1 de outubro, do procedemento administrativo común das administracións públicas.

10.- Resolución e notificación:

O órgano competente para resolver as solicitudes será a Xunta de Goberno logo do informe do técnico correspondente.

As notificacións de resolucións e outras comunicacións aos interesados realizaranse a través da sede electrónica do Concello de Santiago.

11.- Xustificación e pagamento:

O prazo de xustificación vai do 15 de outubro ao 15 de novembro de 2022

12.- Documentación de xustificación

A documentación que hai que presentar para a xustificación é a seguinte:

1. Formulario normalizado **CS023D** dispoñible como anexo contendo os datos da entidade e da festa, declaración de ausencia de débedas e memoria da actividade realizada.
2. Factura da actividade realizada.
3. Resgardo da transferencia bancaria acreditativa do pago.

13.- Incumprimentos:

O incumprimento do deber de xustificación sinalado na base 8 implicará a revogación automática do acordo de concesión.

14.- Compatibilidade con outras axudas

Estas axudas serán compatibles con outras outorgadas polo propio Concello de Santiago de Compostela ou outras administracións sempre que se cumpra co previsto na Lei 38/2003, de 17 de novembro, xeral de subvencións.

15.- Réxime xurídico:

En todo o que non estea previsto nestas bases aplicaranse as seguintes normas:

- *Lei 38/2003, de 17 de novembro, xeral de subvencións*

- *Real Decreto 887/2006, de 21 de xullo, polo que se aproba o regulamento da lei xeral de subvencións.*
- *Lei 9/2007, de 13 de xuño, de subvencións de Galicia.*
- *Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de Subvencións de Galicia*
- Bases de execución do orzamento do Concello de Santiago

Calquera outra disposición que, pola súa natureza, resulte de aplicación.

Santiago de Compostela,

O alcalde